

سنه لکی درساعات ایچون مجیدیه
بکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

جنایتله متهم اولوبده عندالحاکمه جنحه درجه -
سنده محکوم اولانلرله جرائم مرتبطه دن طولانی
جنایت متهملریله توحیداً اجرای محاکمه سی ضمنتده
جنایاتی رؤیته مأمور محکمه یه سوق ایدیلان و جنحه
ایله لزوم محاکمه سنه قرار ویریلان اشخاصک سائر
جنحه مظنونلری کی بحق و یا خود کفالت تقدیه ایله
تحلیه سیبللری جائز اولوب اولدیغنک تعییننده تردد
ایدلیدیکندن بختله استفسار معامله یه دائر اظنه محکمه
استینافیه سی مدعی عمومیلکندن وارد اولان تحریرات
ایله ملفوفی اوزرینه احباب کیفیت انجمن عدلیه جه
لدی التذکر مواد جنایه ایله اتهام اولنان اشخاص -
صک اصول متخذه ایجابجه موقوفاً محکمه عانده سنجه
اجرا قلنه حق محاکم لری نتیجه سنده بونلردن فعل
و حرکتلری جنحه یه تنزیل ایله حبسه محکوم اولانلرک
تمیز دعواسنه تشبث و قیام ایتمدک لری صورته ذاتاً
موقوف اولمزلردن ناشی مدت محکومه لری اکیال اتمک
اوزره حبسخانه یه نقللردن بشقه یا بیله حق بر معامله
اولدینی کی مدت معینه سی ظرفده تمیز استدعایه
سی اعطا ایدنلرک دخی یا حال موقوفه ده بولندقلرینه
ویا خود بالكفاله صالیورلمش اولدقلرینه دائر تنظیمی
لازم کلن ورقه رسمیه یی مذکور استدعایه یه ربط ایتلری
اصول محاکمات جزائیله قانوننک شرائط تمیزی یی بیان
ایدن اوچیوز بکرمی یدنجی ماده سنده مصرح اولمسنه
کوره حبس جزاسیله محکوم اولان اشخاصک کرک
طوغریدن طوغری یه جنحه فعلیه مظنوناً و موقوفاً
محاکمه سی اجرا قلنمش و کرک جنایتله متهم اولوبده
عندالحاکمه حرکتی جنحه نوعندن کوریلرک بوصورته
حبسه محکوم ایدلمش اولسون بعدالحکم کفالتله
تحلیه لری طلب ایتدک لری حالد تمیز استدعایه سیله
برلکده ورقه رسمیه سی محکمه تمیزه کوندرملک
اوزره حکم مذکور ویرمش اولان محکمه جه کفالت
اخذیه اخلائی سیبللرینه قرار اعطاسی صراحت
قانونیه ایجابندن بولندینی و جرائم مرتبطه دن اولمسی

اعتباریه جنایاتی رؤیته مأمور محکمه یه جنایت متهملریله
برلکده موقوفاً سوق ایدیلان جنحه مظنونلرینه
کلنجه بونلرک فعل و حرکتلری اساساً جنایت نوعندن
کورلماش و یالکنز توحید محاکمه قاعده سنه توفیق
معامله ضمنتده کندیلری جنایت محکمه سنه اعزام
ایدلمش اولمسنه و ذکر اولنان اصول محاکمات جزائیله
قانوننک یوز اون برنجی ماده سنده مظنون علیهک
تحقیقات و محاکمات هر حال وزمانده موقتاً تحلیه
سینایی استدعا ایدیه یه جکی محرر بولمسنه نظر ابوقبیل
جنحه مظنونلرینک دخی محکمه جه بالآخره فعل
و حرکتلری جنایت نوعندن کورلیدیکی تقدیرده قانون
مزبورک یوزیتش برنجی ماده سنده بیان اولدینی
وجهله همان توقیف ایدنک اوزره قبل الحکم اخلائی
سیبللری جواز قانونی یه مقارن کورندیکندن احوال
ممانده بعد ازیں صور محرره وجهله ایقای معامله
اولمسی اقتضایده جکی انجمن مذکور دن افاده وعدلیه
نظارت جلیله سندن اولوجهله مذکور مدعی عمومیلک
تبلیغ ماده قلنمشدر .

محاکمات مقدمات

وظیفه یه دائر محکمه تمیز استدعا دائره سندن
تنظیم و اعطا قلنان اعلامدر :
مدلولو قصبه سنک بالی زاده محله سنده مقیم تجاردن
حاجی حسن افندی زاده حسین ایا ایله بینلرنده
متکون دعویله دائر جزایر بحرسفید ولایتی مرکز
تجارت محکمه سندن استینافاً ویریلان ۶ تشرین ثانی
سنه ۳۱۷ تاریخی اعلامک تمیزی سی مستدعی مستغنا
قریه سی سکنه سندن استاوراکی ایله زوجه سی واسیلنه نک
مشترکاً ویردک لری عرضحال و متفرعاتی باش مدعی
عمومیلک مأموریت بهیه سنک مطالعه نامه سیله برلشدیر -
یلرک محکمه تمیز استدعا دائره سنده لدی التدقیق مدت
و شروط قانونیه سنه موافق و مرقوماندن واسیلنه نک
قبل التمیز وفات ایتمش اولدیغنه دائر مدعی علیه حسین

اغا جانبدن ویریلان جواب لایحه سنده در میان ایدیلان
اعتراضک غیر وارد اولدینی محندن لدی الاستعلام
اکلاشلمش و اعلام مذکور دخی وظیفه یه متعلق
بولنمش اولمغله عرضحال مزبور بالقبول تدقیقات تمیزی
اجراسنه ابتدار قلندی .

اعلام مذکورک خلاصه مآلی مرقوم حسین ایا
ایله مرقومان استاوراکی و واسیلنه نک مورنلری متوفی
لیغور بیننده تگون ایتمش اولان اجر مثل دعواسنه
دائر مدلولو تجارت محکمه سندن بدایه ویریلان اعلامک
استینافاً تصدیقی حاوی ساقز تجارت محکمه سندن اعطا
قلنان اعلامک عند التمیز اعلام ابتدائی مذکورک
مرجع استینافی جزایر بحرسفید ولایتک مرکز
اولان ردوس تجارت محکمه سی اولدینی حالد ساقز
تجارت محکمه سنجه استینافاً رؤیتی وظیفه خارجنده
اولدیغنه مبنی اعلام استینافی مذکورک نقضیه کیفیتک
ردوس تجارت محکمه سنه حواله سنه محکمه تمیز حقوق
دائره سنجه قرار ویرلمسی اوزرینه اعلام ابتدائی
مذکورک ردوس تجارت محکمه سنجه استینافاً انشای
تدقیقنده مدعی علیه وکیل دعوی واقعه نک اجرت
طلبنه متدائر و صرف حقوق شخصیه دن عبارت
اولدیغندن بختله رؤیت و تدقیقنه محکمه تجارت وظیفه دار
اوله میه جغنی در میان ایتمش ایسه ده ذیل قانون تجارتک
اوتوز برنجی ماده سنده تبارک امور تجاریه سنده
استخدام ایتدیکی دیرکتور و یازیچی و سائر آدم
و خدمتکارلرک علیهنده تابع اولدینی تبارک امورندن
دولایی و قوعبوله حق دعوالری محکمه تجارت عانده
اولدینی مصرح اولمسنه و مرقوم لیغورک مدعی علیهک
امور تجاریه سی ترویج و تسهیل ایچون مغازه سنده
استخدام اولمسنه نظراً خصوص مدعاک رؤیتی
محکمه تجارتک وظیفه سی داخلنده اولدیغنه قرار
ویرلدکن صکره اساس ماده حقدنه تدقیقار استینافیه
بالاجرا اسباب قانونیه دن دولایی اعلام مستأنف بهک
فسخیه کیفیتک درجه اولی محکمه سنه اعاده سنه قرار
ویرلمش اولمسی اوزرینه مرقوم لیغورک استینافیه
سنه بالمراجعه اولیابده جریان ایدن محاکمه انشای سنده

مدعی علیه حسین اغا بتکرار دعوی حاضره نك اجرتدن منعست اولمسندن ناشی فصل وحسی محکمه تجارتك وظیفه می خارجنده اولدینی انبا اتمش ایسه ده دعوی واقعه بدایه فصل ورؤیت ایدیه رك اعلامه ربط ایدلش اولسنه وکرچه بدایت اعلامی ردوس تجارت محکمه سندن استینافاً تدقیق وفسخ ایدلش ایسه ده اعلام مزبورك فسخیه برابر یکیدن دعوانك رؤیتیه حکم اولنمی ینه استیناف محکمه سنه عائد بولنسنه بناء دعوی مذکورنه رديه متدائر محکمه مرقومه دن ویریلان اعلام ابتدائیک عند التمیز مدعی عمومینك عدم استعاندن دولای نقض واعاده قلمسی اوزرینه بوکره مدعی عمومی معاونی بعد الاستماع جریان ایدن محاکمه ومذاکره نتیجه سنده دعوی واقعه مقدما محکمه بدایه بالرؤیه حکم واعلامه ربط ایدلش اولدینی جهته بتکرار رؤیتی محکمه نك وظیفه سندن خارج وایکنجی درجه ده دعوی رؤیتیه مأموراوان محکمه استینافیه عائد اولمی حسبله وظیفه اصلیه حقدنه ایدیلان اعتراضاتك دخی محکمه استینافیه درمیان اولنمی لازمکه چکی بیانیه دعوی مذکور ره نك بتکرار رؤیتی محکمه نك وظیفه می خارجنده اولدینغه دأر ذکر اولنان بدایت محکمه سندن تنظیم واعطا قلنان اعلامك تمیزاً تصدیق اولنمی و بو صره ده مرقوم لیغورك وفاتی وقوعبولمی اوزرینه ورنه سندن مرقومان استوراک وواسیلنه نك حضوریه جزایر بحر سفیدولای مرکز تجارت محکمه سنجه استینافاً سبق ایدن محکمه وتدقیقات نتیجه سنده حکم ابتدائیک فسخندن صکره یکیدن دعوی رؤیتیه حکم مذکور فسخ ایدن محکمه استینافیه عائد بولندینی حقدنه لاحق اولان قرار ابتدائیک عند التمیز تصدیق ایدلش وبنابرین اولاباده کی اعلام استینافیک دولا یسبله منقوض حکمنده بولنش اولسنه منی اولجه استینافاً اتخاذ ایدیلان مقررات بالطبع کان لم یکن عد ایدیه چکنه واساس دعوی ایسه اجر مثل طلبیه متدائر صرف حقوق عادیه دن متولد بولندینغه ابتداء رؤیتی محکمه تجارتك وظیفه سندن خارج وحقوق محکمه سنه عائد اولدینغه قرار ویرلیدکندن ومستدعی تمیزلرک اشبو قرار علیهنده کی لایحه لرنده مندرج اعتراضلرینك خلاصه می دخی بوکی تیار خدمتده مستخدم کسانك اجرت طلی حقدنه کی دعوا لرینك قانوناً رؤیتی محکمه تجارتك عائد اولدینی ومحکمه استینافیه ده دخی مقدما بو یوله اعطای قرار اولندینی حلاله بوکره قرار سابقه مباین وخلاف قانون اوله رق رؤیت دعوانك حقوق محکمه سنه عادیته قرار ویرانی مغایر قانون ایدوکنندن بمثله اعلام استینافیک نقضی ومدعی علیه حکم اعطا

ایلدیکی لایحه ده محرر فذلک اوجه ده اعلام مزبورك موافق قانون ایدوکی بیانیه تصدیق استدعا سندن ومطالع نامه نك مقادیده اعلامده محرر اسباب مقبولیه نظرأ وظیفه حقدنه کی اعتراضاتك موافق قانون کوریه مدیکی بیاندن عبارت بولنشددر .

ایجابی لدی المذاکره مندرجات اعلام استینافیدن نمایان اولدینی اوزره دعوی واقعه صفت تجارتیه یی حائر اولان مدعی علیه امور تجارتیه سنده استخدام ایدلکی مدعینك اجرت طلبیه متعلق اولتی حسبله ذیل قانون تجارتك اوتوز برخی ماده می موجب ده دعوی مذکور ره نك تدقیق ورؤیتی محکمه تجارتك وظیفه می داخلنده ایکن اسباب محرریه بناء رؤیت دعوانك حقوق محکمه سنه عائد اولدینغه قرار ویرلمی ماده مذکوره حکمنه مغایر اوله رق نقض قراری موجب کورنیدکنندن اصول محاکات حقوقی قانونیک اکیوز اوتوزایکنجی ماده می حکمنه توفیقاً اعلام استینافیک تقضیه کفیتك احکام قانونیه دأره سنده یکیدن بالتدقیق حکم واعلامه ربطی ضمنتده محکمه استینافیه اعاده سنه و اوجیوز قرق بش غروش اون یاره مصارف تمیزیه نك بالآخره حقسز چقه جق طرفه راجع اولتی اوزره اول امرده مستدعی تمیز استوراک وواسیلنه دن آلمسنه ۱۵ شباط سنه ۳۱۸ تاریخنده متفقاً قرار ویرلیدی .

اربعه قضاسنك پلیدی تکیه قریه سندن عبدالقادی قتل الیسندن دولای جنایتله اتهام اولنان قریه مذکورلی اوکسر اوغلی احمدک اون بش سنه مدته کورکه قولنسنه دأر توقاد سنجانی بدایت محکمه می جزا دأره سندن ویریلان الی یوز قرق بر نومرولی اعلام لغظه قضاسنك غیرمیچ قریه می اهالیسنندن ابراهیم بن رمضان جرح ایدرک تعطیل عضوبنه سببیت ویردیک ادا قلنمسندن طولای جنایتله اتهام اولنان قریه مزبورلی جوان قبر بن ابراهیمک اوج سنه مدته کورکه قولنسنه دأر سلا نیک ولایتی استیناف محکمه می جزا دأره سندن ویریلان یوز اوتوز بش نومرولی اعلام

قره مرسل قصبه سندن قباق اوغلی ابراهیم بن علی قتل ایدلکی ادا قلنمسندن طولای جنایتله اتهام اولنان قریه مذکورلی مظهر بن علی رئیسک اون بش سنه مدته کورکه قولنسنه دأر اذمید سنجانی بدایت محکمه می جزا دأره سندن ویریلان یوز تیش بر نومرولی اعلام

بافره قضاسنك کوسبر قریه سندن نیکسارلی اوغلی غیرغوز ایه رفقاسنك قطع طریق صورته لغه وایشانی غصب ایتلرندن طولای جنایتله اتهام

اولنان فکری بن محمد وسعاد بن ادریس وعزت بن محمودک اوجر سنه مدته کورکه قولنلرینه دأر جنایتک سنجانی بدایت محکمه می جزا دأره سندن ویریلان بشیوز یکرمی الی نومرولی اعلام

حلبک اراج محله سندن عمر بن ولد العمونک قوسنی قیره رق اشیاسنی سرق ایدلکی ادا قلنمسندن طولای جنایتله اتهام اولنان حسن بن یوسف کر دینک اوج سنه مدته کورکه قولنسنه دأر حلب ولایتی استیناف محکمه می جزا دأره سندن ویریلان یوز بر نومرولی اعلام

کیوه قضاسنك کوتی قریه سندن صدوقچی اوغلی محمد قتل قصدیه سلاح انداخت ایتسنندن طولای جنایتله اتهام اولنان قریه مذکورلی علی بن عثمانک اوج سنه مدته کورکه قولنسنه دأر اذمید سنجانی بدایت محکمه می جزا دأره سندن ویریلان برفطعه اعلام

محرای جدیدده قره مان چفتلکی جوارنده ژاندارمه نقری محمد علینک کیفیت قتلدن طولای جنایتله اتهام اولنان یارمسقز علینک اون بش سنه مدته کورکه قولنسنه دأر درسعات جنایت محکمه سندن ایکنجی دفعه اوله رق ویریلان یوز تیش درت نومرولی اعلام

پهلشنه ناحیه سنک یتیشنک قریه سندن راسم بن عبداللهک کیفیت قتلدن طولای جنایتله اتهام اولنان موسی بن عبد الغنی نک اون بش سنه مدته کورکه قولنسنه دأر کوریمجه سنجانی بدایت محکمه می جزا دأره سندن ویریلان سکمان طقوز نومرولی اعلام

عساکر شاهانیه مخصوص دپوک باجه سنی دلهرک اشیای میریه بی سرق قصدیه دخول ایدلکی صره ده دردت اولندینی ادا قلنمسندن طولای جنایتله اتهام اولنان مار دینلی سلیمان بن محمودک بش سنه مدته قلعه بند ایدلسنه دأر ارضروم ولایتی استیناف محکمه می جزا دأره سندن ویریلان اکیوز الی سکرز نومرولی اعلام

برات قضاسنك لاپازطه قریه سندن امین حایقونک کیفیت قتلدن طولای جنایتله اتهام اولنان قریه مذکورلی الماس بن رابوشک اون بش سنه مدته کورکه قولنسنه دأر برات سنجانی بدایت محکمه می جزا دأره سندن ویریلان اوسکرز نومرولی اعلام

صلواتی قریه لی احمد بن محمدک کیفیت قتلدن دولای جنایتله اتهام اولنان قریه مذکورلی محمد بن علینک اون بش سنه مدته کورکه قولنسنه دأر آیدین سنجانی بدایت محکمه می جزا دأره سندن ویریلان یکرمی درت نومرولی اعلام

یکلین قضاسنك تکه محله سندن قبطی حسن بن زکریای صویه ایه ضرب ایدرک وفاته سببیت ویردیک ادا اولنمسندن طولای جنایتله اتهام اولنان صادق بن طولهنک یدی سنه مدته کورکه قولنسنه دأر ایلصان سنجانی بدایت محکمه می جزا دأره سندن ویریلان یوز طقوز نومرولی اعلام

قره طاش ناحیه سنک نعل قولاق قریه سندن چرکس زاده حاجی محمد اغانک لیل چفتلکی دیوارندن آشورق اوطنه قوسنی شکسته انچه وایشانی سرق ایدلکری ادا اولنمسندن طولای جنایتله اتهام اولنان قورانشه قریه لی عبده بن محمد واحمد و محمد بن محمد وعلی بن عبده وخورمک اوجر سنه مدته کورکه قولنلرینه دأر اطنه ولایتی استیناف محکمه می جزا دأره سندن ویریلان اوجیوز یدی نومرولی اعلام

میخانه می اناستاس ولد یورکی قتل ایدلکی ادا سندن دولای جنایتله اتهام اولنان قصاب نبقو لینک اوغلی استراطینک اون بش سنه مدته کورکه قولنسنه دأر آیدین ولایتی استیناف محکمه می جزا دأره سندن ویریلان ۴۴۸ نومرولی اعلام

محمد الطالک کریمه می یاسمین ضرب ایه وفاته سببیت ویردیک ادا اولنمسندن دولای جنایتله اتهام اولنان محمد بن یوسف عبداللهک بش سنه مدته کورکه قولنسنه دأر عکا سنجانی بدایت محکمه می جزا دأره سندن ویریلان ۳۹۴ نومرولی اعلام

غصب وقطع طریق فللرندن دولای جنایتله اتهام اولنان طاشلیجه نك لسقوفچه قریه سندن سلیمان بن لطیف وزینل بن اسلامک یدیشر سنه مدته کورکه قولنلرینه دأر سنیچه سنجانی بدایت محکمه می جزا دأره سندن ایکنجی دفعه اوله رق ویریلان ۱۷۷ نومرولی اعلام

قره طاغ ناحیه سنک بقره قریه می اهالیسنندن عثمان بن علینک کیفیت جرح وقتلندن دولای جنایتله اتهام اولنان قریه مذکورلی کل علی بن رجیک اون بش ورفیق کبچی حسن اونباشینک اوج سنه مدته کورکه قولنلرینه دأر سلا نیک ولایتی استیناف محکمه می جزا دأره سندن ویریلان ۲۶۶ نومرولی اعلام

حصار ناحیه می ضابطه مأموری احمد افندینک بینک آتی سرق ایتلرندن دولای جنایتله اتهام اولنان بقال یورکی وقهوجی دامبال سعدالدینک اوجر سنه مدته کورکه قولنلرینه دأر ارطغرل سنجانی بدایت محکمه می جزا دأره سندن ویریلان ۲۸۸ نومرولی اعلام

بوغون قضاسنك لادانا قریه سندن بنا یو طچقو و یورکی چیقونک انشای راهده مسلحاً اوکریه چیقهرق استرلریه اشیای تجارتیه سنی اخذ وسرق ایتدیک ادا اولنمسندن دولای جنایتله اتهام اولنان یورکی قسطه خرسو ذولونک اوج سنه مدته کورکه قولنسنه دأر یانیه ولایتی استیناف محکمه می جزا دأره سندن ویریلان ۱۷۰ نومرولی اعلام

اینه کول قضاسنك علی ک قریه سندن حاجی اوغلی محمدی جرح ایدرک وصول الینک تعطیلنه سببیت ویردیکری ادا اولنمسندن طولای جنایتله اتهام اولنان قوجه علی اوغلی ابراهیم ورفیق خلیل بن احمدک اوجر سنه مدته کورکه قولنلرینه دأر ارطغرل سنجانی بدایت محکمه می جزا دأره سندن ویریلان اکیوز سکمان اوج نومرولی اعلام

کرمانی قضاسنك قبر قریه می اهالیسنندن راشد پهلوانک ماده قتلندن طولای جنایتله اتهام اولنان قریه مذکورلی قولاقسز اوغلی احمد برادری اسماعیلک اون بشر سنه مدته کورکه قولنلرینه دأر خداوندکار ولایتی استیناف محکمه می جزا دأره سندن ایکنجی دفعه اوله رق ویریلان درتیوز قرق بش نومرولی اعلام

قوجه باش اوغلرینک بیتوت ایتکنده اولدینی اوطنه یی احراق ایتش وآنشک سرایتله دوزجه چارشونک یانمنه سببیت ورمش اولسندن طولای جنایتله اتهام اولنان اسکیمی قره بت ولد بریوشک مؤبداً کورکه قولنسنه دأر بولی سنجانی بدایت محکمه می جزا دأره سندن ویریلان یدی یوز الی نومرولی اعلام

مائی کول ناحیه سنک کوجش قریه سندن مرتصب اوغلی مصطفانک کیفیت قتلندن طولای جنایتله اتهام اولنان قریه مذکورلی بیوشک اوغلی حسن وقدر اوغلی علی عثمانک اون بشر سنه مدته کورکه قولنلرینه دأر قسطمون ولایتی استیناف محکمه می جزا دأره سندن ویریلان التمش طقوز نومرولی اعلام

نیکده نك مثال قریه می اهالیسنندن لاز نکوس اوغلی یوردان ورفقاسنك انشای راهده اوکریه چیقهرق نقود وایشای سائرهنه سنی اخذ وغصب ایتسنندن طولای جنایتله اتهام اولنان قریه مذکورلی قاوومه می اوغلی حسینک اوج سنه مدته کورکه قولنسنه دأر نیکه سنجانی بدایت محکمه می جزا دأره سندن ویریلان الی طقوز نومرولی اعلام محکمه تمیز جزا دأره سنجیه تصدیق اولنشددر .

۲۲۶ نومرولی نسخه ده مندرج درسعات جنایت محکمه می اعلامنك بقیه می :

دأره استنطاقه کشی اولان شهوددن مجارده میخانه می مهرانک دکاننده دستکاهدار یکرمی بش باشنده نیک ولد اسپانک سامعین میاننده بولندینی خبر ویرلمکه اظهار حقه مدار اولتی اوزره استماعی جانب ریاستدن تنسب اولنغه مرقوم نیک حضور محکمه می چقبا ریله رق بلا حلف استماع اولندقدنه لئون وعلی و مرجو خلیل یکدیگرله دیل منازعه سنه باشلامرله ایشک بیویه چکی اکلا به رق ودرحال آرقه زقادن پولیس موسی افندی به اخبار کیفیت ایدرک عودندن متمان علی و مرجو خلیلک فرار ایتکنده اولدقارنی فقط اللرنده یحیاق اولوب اولدینی کورمیدیکنی وشهادتک حاضر بولنان متمان حقارنده اولدینی بیان ایدلی .

شهود مستمعه تکرار بالمواجهه استکنده کیفیت ایدلکده لئونک بانظالوننده یرتیق اولوب اولدینی صورلدقدنه تقوی و مهران وجورچی وینک یرتیق کورمیدکری و پولیس موسی افندی مرقوم لئون قره غولخانه ده استجواب اولنقدنه ایکن بانظالوننده کی یرتیق کوسزدیکندن اوراده مشاهده ایتدیکنی افاده وهریری وقعه نه صورته خاطر لرنده قلمش ایسه اول وجهله شهادت ایتدکری حکایه ایتدیلر .

توسیع تحقیقاته متعلق طرفیک دیه چکی اولدینی لدی السؤل اکلا شلمغله تحقیقاتک بوندن عبارت ایدوکی بیان اولندقدنه معاون موسی ایه متمان علی و مرجو خلیلک فعل مدطابه مجاسر تری علی الدرجات واقع اولان اخبارات ایه ثابت اولدینندن مرقومانک قتل قصدیه تشهر سلاح ایتلرندن طولای بروججه اتهام مجرمیتلرینه قرار اعطاسنی طلب وادعا ومدافعه وکیلی دخی موکلرینک تشهر سلاحه جرأت ایتدکری شاهدر طرفندن اخبار اولنقدن ناشی اخبارات آتفه قبول اولندینی تقدیرده مرقومانک لئونه محض اخافه قصدیه سلاح چکش اوله جقارنی وچونکه شهود مستمعه دن بعضاری لئونی تعقیب ایتدکری و بعضاری ایسه تعقیب ایدلکری بیلمدکری سولش اولدینندن شاید قتل قصدی اولتی لازم کسه سکر حال اولتی وایکی کشی بولتی جهته ره حلاله قتله موفق اوله .

بیله جکلری والخالص بالکرا کتلرینه مانع اولان لئونی دفع ایتک صورته تهید ایتش اولدقارنیک اکلا شلدیننی سرد ایه موکلرینک برائیتلرینه و بوجه قبول اولندینی صورته اخافه نقطه نظرندن مجر .

میتلرینه قرار اعطاسنی استدعا ومتمان دخی دیه .

جکلری بولندیننی انبا ایتلریله ختام محاکمه لری افهام اولنهرق مذاکره اوطنه سنه کلندی .

بروجه مشروح طرفينك ادعا ومطالعہ لری استماع ایدیلہ رک واوراق تحقیقیہ وضبط ورقہ سی برر برر تدقیق ودعوی خلاصہ وکیفیت تعمیق اولہرق ایجابی مذاکرہ اولندقدہ مدعی لٹونہ قتل قصیدیلہ تشہیر سلاح تہمتیلہ اتہام ایدیلان علی ومرجو نام دیگر خلیک ادعای واقعی انکار ووکیلک دخی اخافہ قصیدیلہ اولدیغنی تذکار ایتلرینہ قارشو مع القسم استماع اولسان حقوق عمومیه شاهدلرندن پولیس موسی افندی محل وقعہ کیہ کیتدیکنده متہمردن خلیک الندہ بر بچاقلہ آچیقده طورمقدہ ورفیق علی دخی الندہ کی بچاقلہ لٹونک بوکرینہ طوغری هجوم ایتکده اولدیغنی کوروب باغرمسیلہ مرقوم خلیل بر مقدار کرویہ چکلدیکندن لٹونک فرارہ باشلادیغنی ویردن آلدیغنی بر طاشی علینک ائہ اورمسیلہ قنسی یرہ دوشدیکنی وخلیل فرار ایتش ایسده علی بی دردست ایتدیکنی ولٹونک بانظالوندہ یرتیق اولدیغنی کور- دیکنی وکندوسی یتشامش اولسہ لٹونک اتلاف ایدیلہ جکی طبعی ایدوکنی بر آوردہ زبان وتقوی زقاقده ایشدیکنی کورلٹی یه چیقدیغندہ متہمان علی ومرجو خلیل لٹونہ هجوم ایدرک اللرنده کی قناری اصابت ایتدیرمکہ چالشدقلرینی کوردیکنی وبو صرہده طانیدیغنی بریسی خلیلی طومتقلہ علینک هجومندہ همان واقع اولان فریادی اوزرینہ لٹون آرقہ سنی دنہرک کندوسی قورومش ایدوکنندن قناتک تصادف ایتدیکنی درمیان و دیگر شاهدلرندن مهران لٹون ایلہ علی ومرجو خلیل لساناً منازعہ ایدرک میخانہ دن طشرہ چیقملرلہ مرقوماندن علینک حامل اولدیغنی بچاغی چکدرک لٹونہ شدتلی هجوم ایتدیکنی وحتی کندوسی مرقومی اورلمش ظن ایتدیکنی ولٹون یردن آلدیغنی طاشی علینک قولنہ اورمسیلہ مرقومک بچاغی دوشدیکنی وبالاخرہ دردست اولندقلرینی اتیان وجورجی دخی علی ومرجو خلیک لٹونہ اللرنده صالدریمہ اولدیغنی حالہ هجوم ایتدکارینی وحتی علینک قنسی لٹونک بانظالونسہ اصابتلہ یرندیغنی بیان ایتدکلرندن شوشہادات متہمردک لٹونہ تشہیر سلاح ایتدکلری حقندہ کافہ اشباہی دافع وشاهدلرک افاداتی علی الدرجات واقع اولہرق نتیجہ سی تشہیر سلاحک وقوی نقطہ سندہ مجتمع اولمسہ ومدافعاتہ نقل کلام اولندقدہ جملہ شہادات متہمردک قتل قصندہ بولندیغندن عبارت وتعریف اولنان بچاقلر قتلہ صالح آت بولمسہ ولٹونی طرد ودفع ایتک ایچون اخافہ ایتش اولدقلری سوزی وضع وحرکت وهجمات متعده یه مجاسرتلریلہ قابل توفیق اولوبوب زیرا اومقولہ برفکرده بولملری لازم کلسہ صور اخری ایلہ دفعی ممکن ایکن اصلولہ توسل

ایتمہرک بچاق اصابت ایتدیرمک درجہده تشہیر سلاح ایتلری بیات مسروده یی مؤید کورنمسہ بناء متہمان مرقومانک انکار وتاویلاتی ووکیلک دخی اسباب مسروده یه مقابل مدافعاتی باطل والحاصل متہمان علی ومرجو نام دیگر خلیک بیک اوچبوز اون طقوز سنہ سی حزراننک اون اوچنجی کونی مجارده کائن میخانہده لٹون ایلہ بیلرندہ حادث اولان منازعہ اوزرینہ مرقوم لٹونہ قتل قصیدیلہ تشہیر سلاح ایلدکلری حالہ ید اختیارلرندہ اولمیان اسباب مانعہ حیولتیلہ مادہ قتل فعلہ چیقارہ مامش اولدقلری شہادات واقعہ یه انضمام ایدن دلائل وامارات وحقوق تقدیر یه ایلہ درجہ ثبوتہ واصل اولدیغندن اول وجهلہ مجرمیتلرینہ فعلک ثبوتہ انشاقلہ ونوعنہ اکثریت ثلثان آرا ایلہ قرار ویریلہرک محاکمہ اوطہسنہ عودتلہ قرار مذکور علناً قرائت وبیان اولندقدہ معاون موسی ایلہ مجرمان علی وخلیلک قانون جزانک یوز سکسانجی مادہ سنک علاوہ سنہ توفیقاً تحدید جزاسنی طلب وادعا ووکیل موسی ایلہ موکلرینک تخفیف جزاسنی ومجرمان علی وخلیلک دخی دیہ جکلری اولمدیغنی اتیان واستدعا ایتلریلہ بونقطہ یه عائد محاکمہ نک دخی اختتامی بیان اولہرق تکرار مذاکرہ اوطہسنہ کیدلای .

جهت جزائیه سی حقندہ دخی مذاکرہ کیفیت اولندقدہ مجرمان علی وخلیلک حرکتی قانون جزانک یوز سکسانجی مادہ سنک علاوہ سنہ موافق وعلاوہ مذکورہ: «مجرد قتل قصیدیلہ سلاح چکوبدہ ید اختیارندہ اولمیان اسباب مانعہ حیولتیلہ مادہ قتل فعلہ چیقما مامش ایدوکی تحقق ایدنلر کذلک موقتاً کورکہ قونیلور» عبارہ سنی ناطق اولغلہ بومادہ حکمنہ توفیقاً وبولرندن علینک ابتدای توقیفی اولان اوچبوز بکرمی بر سنہ سی ربیع الاخرینک اوچنجی وخلیلک دخی ماہ مذکورک اون یدنجی کونلرندن اعتباراً اوچرسنہ مدتہ کورکہ قونلرینہ ومصارف محاکمہ اولان یوزیتش غروشدہ کندولرندن تحصیللہ تسلیم وزنہ ایتدیرلرسنہ اوچبوز اون طقوز سنہ سی ایلولنک اون یدنجی کونی وجاهاً ومتفقاً قرار ویریلہرک اصول تفہیمی ایفا قلندی .

اخبارات

ارضروم استیناف مدعی عمومیلکندہ :

تورتومک ایرتسی قرہ لی ابراہیم اوغلی حسن ایلہ صورت غیر مشروعهده کوریشوب بکرینی ازالہ ایتدیردکن صکرہ حاملہ قالہرق اخیراً تولید ایلدیکی ارکک برچوجنی طاش آلتہ براقرہرق اتلاف ایلدیکنندن

دولای مظلون بولنان قرہ مزبورہ لی ابراہیم اوغلی ویسلک زوجہ سی زلیخانک افعال مذکورہ یه مجاسرتلہ فرار ایلدیکی اولبابدہ کی اوراق تحقیقیہ مآلندن کلاشلش وحرکت واقعہ سی قانون جزانک یوزیتش دردنجی مادہ سی حکمنی مستلزم مواد جنائیہ دن اولہرق ارضروم استیناف محکمہ سی جزا دائرہ سندہ محاکمہ سی اجرا قلنمق اوزرہ جنایتلہ اتہامنہ قرار ویرلمش اولدیغندن مزبورہ ہر زردہ کوریلور ایسہ دردستیلہ محکمہ مذکورہ توقیفخانہ سنہ تسلیمی لازم کلہ جکی بالجلہ ضابطہ عدلیہ مأمورلرینک معلومی اولمق اوزرہ اشبو اخذ وکرفت مذکرہ سی ارضروم ہیئت اتہامیہ سندن تنظیم واعطا قلندی .

تجارت بحریہ محکمہ سندہ :

درسعادندہ خاجوپلوخانندہ مغازہده ساکن ایکن تجارت بحریہ محکمہ سندن افلاسنہ حکم اولمش اولان قولولیان وظرفیان شرکتی ذمتندہ آلہ جغنی اثبات ویا موقتاً قبول وقید ایتدیرمش اولان آلہ جقلولرک قانوننامہ تجارتک ۲۱۱ نجی وآنی ولی ایدن مادہ سی موجبنجہ شرکت مفلسہ طرفندن تکلیف اولنہ جق قوتقورداتونک مذاکرہ سی ایچون کانون اولک اون بشنجی بازار ایرتسی کونی محکمہ مذکورہ نک افلاس اوطہسنہ کلری اعلان اولنور .

سولیک تجارت محکمہ سندہ :

سلانیکدہ صبری پاشا جادہ سندہ مقیم فرونجی آرستیدی کریاقونک ۲۷ تشرین ثانی سنہ ۱۹۳۱ تاریخندن اعتباراً اعلان افلاسنہ ومصالح افلاسیہ نک رؤیت وتسویہ سی ضمنندہ اعضای دائمہ دن رفعتلو بغوص افندیکنک ژورقومیسر وضبط کتبہ سندن نیازی ودعوی وکیللرندن عزتلو وامق افندیلرک موقت سندیک تعینلرینہ وفرونیلہ اشیای زائدہ بیتہ سنک تمہیرینہ واوراق ودفاترینک جلبنہ وکفالت ارانہ ایدہ مدیکی تقدیردہ حبس وثوقیفنہ قرار ویرلمش اولدیغندن قانوننامہ تجارتک ۱۷۰ نجی مادہ سی موجبنجہ دائمی سندیک انتخاب اولنمق اوزرہ اصحاب مطلوبک ۱۹۳۱ سنہ سی کانون اولنک اون بشنجی بازار ایرتسی کونی ساعت یدی رادہ لرندہ سلائیک تجارت محکمہ سنہ کلری اعلان اولنور .